



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Reginonis Abbatis Prumiensis Libri Duo De Ecclesiasticis
Disciplinis & religione Christiana**

Regino <Prumiensis>

Parisiis, 1671

412. Item alia terribilior excommunicatio.

urn:nbn:de:hbz:466:1-14622

364 REGINONIS LIB. II.
ritus sancti, auctoritate & potestate Apostolis
Apostolorumque successoribus à Deo conce-
sa, unà vobiscum prædictum pessimum virum
à liminibus sanctæ matris Ecclesiæ excludi-
mus & ab omni societate & communione
Christianæ separamus, separatumque esse in
æternum decernimus, id est, in præsenti se-
culo & in futuro. Nullus Christianus ei ave-
ditat, aut eum osculari præsumat. Nullus Pref-
byter cum eo Missam celebrare audeat vel sa-
crosanctum corpus & sanguinem Domini tra-
dere. Nemo ei jungatur in consortio, neque
in aliquo negotio. Et si quis ei se sociaverit, &
communicaverit ejus operibus malignis, no-
verit se simili percussum anathemate; his ex-
ceptis qui ob hanc causam ei junguntur ut
eum revocent ab errore, & provocent ad sa-
tisfactionem; nisi forte resipuerit, & Dei gra-
tia inspirante ad pœnitentiæ remedium con-
versus fuerit, & digna emendatione Ecclesia
Dei, quam læsit, humiliter satisfecerit.

ITEM ALIA TERRIBILIOR
EXCOMMUNICATIO.

Burchard. lib.
11. c. 6. & a-
pud Centuria-
tores ibid.

CCCCXII. Canonica instituta & san-
ctorum patrum exempla sequentes, Ecclesi-
orum Dei violatores, videlicet raptores, de-
prædatores, & homicidas illos in nomine Pa-
tris & Filij & in virtute Spiritus sancti, nec
non auctoritate Episcopis per Petrum princi-
pem Apostolorum divinitus collata, à sancta
matris Ecclesiæ gremio segregamus ac perpe-
tuæ maledictionis anathemate condemnamus.
Sintque maledicti in civitate, maledicti in
agro, maledictum horreum eorum, & male-

dictæ reliquiæ illorum , maledictus fructus ventris eorum , & fructus terræ illorum . Maledicti sint ingredientes , & maledicti sint egredientes ; sintque in domo maledicti , in agro profugi ; veniantque super eos omnes illæ maledictiones quas Dominus per Moysen in populum divinæ legis prævaricatorem se esse missurum intentavit ; sintque anathema maranatha , id est , pereant in secundo adventu Domini . Nullus eis Christianus ave dicat . Nullus Presbyter Missam celebrare præsumat , vel sanctam communionem dare . Sepultura asini sepeliantur , & in sterquilinium sint super faciem terræ . Et sicut hæ lucernæ de manibus nostris projectæ hodie extinguntur , sic eorum lucerna in æternum extinguitur ; nisi forte resipuerint , & Ecclesiæ Dei , quam læserunt , per emendationem & condignam pœnitentiam satisfecerint .

EX COMMUNICATIO BREVIS.

CCCC XIII. Canonica instituta & sanctorum patrum exempla sequentes , Ecclesiæ rum Dei violatores illos auctoritate Dei & iudicio sancti Spiritus à gremio sanctæ matris Ecclesiæ & consortio totius Christianitatis eliminamus , quousque resplicant , & Ecclesiæ Dei satisfaciant .

Burchard. lib.
11. c. 7. & a-
pus Centuria-
tores ibid.

Qualiter Episcopus reconciliet vel recipiat excommunicatum .

CCCC XIV. Cùm aliquis excommunicatus vel anathematizatus , pœnitentia ductus , veniam postulat , & emendationem promittit ,

Burchard. lib.
11. c. 8.